

ABAABINTA CARUURTA MUSLINKA



Ecrax A Mataan

56-A-2XX

882

IFTIINKA AQOONTA SERIES

Copyright © July 1995 by Somali Canadian Cultural Association (SCCA)

ISBN 0-9699945-0-8

First print 1995 Ottawa, Canada

ALL RIGHTS RESERVED

No part of this book "ABABINTA CARUURTA MUSLINKA" may be reproduced in any form or by means, electronic or mechanical, including photocopying, recording, or by any information storage and retrieval system, without written permission from the copyright owner.

All questions and comments should be directed to:


*Mohamed Hussein Hadi
Somali Resource & Heritage Centre
1719 Bank St. Suite 301
Ottawa, ON. K1V 7Z4
Tel: (613) 733-1463
Fax: (613) 733-3956*




1. DUCADA LA AKHRIYO MARKA LA SEEXANAAYO-----	1
2. DUCADA LA AKHRIYO MARKA LA SOO TOOSO -----	2
3. DUCADA LA AKHRIYO MARKA LA GALAYO MUSQUSH-----	4
4. DUCADA LA AKHRIYO MARKA LAGA SOO BAXO MUSQUSH-----	5
5. DUCADA LA AKHRIYO MARKA LA GASHADO MARO CUSUB-----	6
6. DUCADA LA AKHRIYO MARKA DHARKA LA ISKA BIXIYO-----	7
7. DUCADA LA AKHRIYO MARKA CUNTADA LA SOO DHIGO-----	8
8. DUCADA LA AKHRIYO MARKA CUNTADA LA DHAMEEYSTO-----	9
9. DUCADA LA AKHRIYO MARKA LA HINDHISO-----	11
10. DUCADA LA AKHRIYO MARKA LA HAMAAHSADO-----	12
11. DUCADA LA AKHRIITO MARKA GURIGA LAGA BAXAYO-----	13
12. DUCADA LA AKHRIYO MARKA GUGIGA LA GALAYO-----	14
13. DUCADA LA AKHRIYO MARKA MASJIDKA LA GALAAYO-----	15
14. DUCADA LA AKHRIYO MARKA MASJIDKA LAGA BAXAAYO-----	17
15. DUCADA LA AKHRIYO MARKA DADKA MUSLIMKA LA KULMO-----	18
16. DUCADA LA AKHRIYO MARKA GAADHIGA LA FUULAAYO-----	20
17. SALAANTA CIIDA-----	21
18. DUCADA WAABERIGA-----	23
19. DUCADA GABAL DHACA-----	24
20. MARKAAD LA KULANTO WAX KU FARAX GALIYA-----	25
21. MARKAAD LA KULANTO WAX AAN KU FARAX GALIN-----	26
22. WAXA LOOGU DUCEEYQ QOFKA BUKA-----	27
23. DUCADA LA AKHRIYO MARKA WAX KAA LUMAAN-----	29
24. MARKAAD JECLAATO WALAALKAAGA MUSLIM KA AH-----	30
25. DUCADA LA AKHRIYO MARKA ROOBKU DA'AYO-----	31

"Qofka Illaahay xusa iyo qofka aan xusini waxay isu yihii sidii qof nool iyo qof dhintay oo kale"

«مثُلُ الَّذِي يَذْكُرُ رَبَّهُ وَالَّذِي لَا يَذْكُرُ رَبَّهُ مثُلُ الْحَيِّ وَالْمَيْتِ»



26. DUCADA LA AKHRIYO MARKA BISHU BILATO-----	32
27. DUCADA LA AKHRIYO MARKA MURAAYADA LA ISKA ARKO-----	33
28. DUCADA LA AKHRIYO MARKA LA MAQLO CIDA DINGA-----	34
29. DUCADA LA AKHRIYO MARKA LA MAQLO CIDA DAMEERKA-----	35
30. DUCADA LA AKHRIYO MARKA LA MAQLO CIDA EYGA-----	36




Muxuu odhanayaa inanka yar ee muslimka ahi?

Anigu waxaan ahay inan yar oo muslim ah, waxaan maqlay hadalka Illaahay oo ah

﴿يَا أَيُّهَا الَّذِينَ آمَنُوا اذْكُرُوا اللَّهَ ذِكْرًا كَثِيرًا﴾

Hadalkaa oo uu macnahiisu yahay;


"Kuwii Illaahay iyo rasuulkiisaba rumeeyeyow, Illaahay xusa, xusid badan, habeen iyo dharaar Illaahay ka hufa xumo oo dhan"



Waxaan kale oo maqlay hadalkii rasuulka c.s.w. oo ahaa:

Marka, fadligaa badan daraadii iyo si aan uga mid noqdo kuwa liibaanay, mar walba iyo meel walba waan ku xusaa Illaahay. Sidaana waxaa ii sahlay markii aan xafiday ducooyinkii ka sugnaaday rasuulka Illaahay ee meel walba munaasibayey, isla markaana munaasibadahooda ayaan ilaaliyaa inaan akhriyo.

DUCADA MARKA LA SEEXANAAYO



Marka la seexanaayo waxaanu nidhaahnaa:

”بِسْمِ اللَّهِ رَبِّ الْعَالَمِينَ أَخْيَا وَأَمْوَاتٍ“

Macnaha ducadu waxaa weeye: Magacaaga ayaan illaahayow ku noolahay oo aan ku dhimanayaa.

DUCADA MARKA LA SOO TOOSO



Markaynu hurdada ka toosno waxaynu nidhaahnaa:

"أَصْبَحْنَا وَأَصْبَحَ الْمُلْكُ لِلَّهِ، وَالْحَمْدُ لِلَّهِ لَا شَرِيكَ لَهُ"

Ducadaas oo uu macnaheedu yahay:


Mahad waxaa iska leh Illaaha ina nooleeyey kadib markii uu inaga oofsaday,

isagaana loo soo xaadiri doonaa (qiyaamaha).

Hurdadu waa nimco weyn oo illaahay inagu maneystay. Faa'iidooyinkeeda waxaa ka mid ah:

- Tacabkii maalinta ayeynu kaga maydhanaa.
- Hurdadu waxay ina xasuusisaa dhimashada.
- Sidaa daraadeed, waxaynu la xisaabtanaa nafteena markaynu seexanayno wixii aynu kasbaney maalintii.
- Waxaynu u jiifsanaa dhinaca midigta.
- Waxaynu seexanaa inaga oo weyso qabna.
- Xili hore ayeynu seexanaa si aynu goor hore u toosno barakaduna sidaa ayey ku jirtaa

DUCADA MARKA MUSQUSHYA LA GALAYO




Markaynu musquusha galayno waxaynu nidhaahnaa:

"بِسْمِ اللَّهِ، اللَّهُمَّ إِنِّي أَعُوذُ بِكَ مِنَ الْخَبَثِ وَالْخَبَائِثِ"

Ducadan oo uu macnaheedu yahay:

waxaan ku bilaabayaa magaca illaahay, illaahayow waxaan kaa magan galay shaydaanka kiisa lab iyo kiisa dhidigba. Musquusha marka la galaayo, waxaa la horeysiyyaa lugta bidix.

DUCADA MARKA MUSQUSHA LAGA SOO BAXAYO



Markaynu musqusha ka soo baxayno waxaynu nidhaahnaa:-

"عَفْرَانَكَ . الْحَمْدُ لِلّٰهِ الَّذِي أَذْهَبَ عَنِ الْأَذَى وَعَافَ عَلَيْنَا"

Ducadaan oo uu macnaheedu yahay :

Illaahayoow ii dembi dhaaf. mahad waxaa iska leh Illaahii iga kexeyey waxyeeladii ee caafimaadka i siiyey.

Musqusha marka laga soo baxayo lugta midig ayaa la soo hormarshaa, dabadeedna waxaa la akhriyaa ducada kor ku qoran.

Waxaynu xasuusanaa sida badan ee uu Illaahay inoogu nimceeyey maxaa yeelay waxaa uu inoo sahlay inaynu debeda usoo saarno wixii nafteena dhibaayey. Illaahay ayaa mahad leh.

DUCADA DHARKA CUSUB



Markaynu shay cusub gashano waxaynu nidhaahnaa:

بِسْمِ اللَّهِ الرَّحْمَنِ الرَّحِيمِ
اللَّهُمَّ إِنِّي أَسْأَلُكَ مِنْ خَيْرِهِ وَخَيْرِ مَا هُوَ لَهُ
وَأَعُوذُ بِكَ مِنْ شَرِّهِ وَشَرِّ مَا هُوَ لَهُ

Ducada oo uu macnaheedu yahay:

Waxaan ku bilaabayaa magaca Illaahay. Illaahayoow waxaan ku weydiisanayaan shaygan cusub khayrkiisa, iyo khayr wixii uu leeyahay, oo waxaan kaa magan galay sharkiisa iyo shar wixii uu leeyeahay.

Markaynu dharka gashano, waxaynu ka bilownaa midigta, waxaynu xasuusanaa nimcada Illaahay ee huga. Wakhtiga qaboobaha waxaynu qaadanaa dhar inaga celiya qabowga midabkooduna munaasib u yahay. Wakhtiga kulaylahana waxaynu xidhanaa dhar isaguna munaasib u ah, midabkiisuna uu furan yahay. Inanku ma xidho dharka inanta. Inantuna ma xidhato dharka inanka. Midina ka kale isuma igaysiyo.

DUCADA DHAR BIXINTA




Markaan dharka iska bixinayno waxaan nidhaahnaa:

بِسْمِ اللَّهِ الرَّحْمَنِ الرَّحِيمِ لَا إِلَهَ إِلَّا هُوَ

Ducada macnaheedu wuxuu yahay:

Magaca Illaahay ayaan xusayaa kii aanu jirin Alle kale isaga mooyee. Dharka marka aynu iska bixinayno bidix ayaynu ka bilownaa. Markaynu bixinana, waxaynu dhignaa meelaha loogu tala galay, iskuma dhex daadino. Dadka hortoodana iskagama bixino. Wixii dhar ina dheerna waxaynu siinaa dadka masaakiinta ah.

DUCADA CUNTADA



Waxaynu ku ducaysano markaynu cuntada u fadhiisano;

”اللَّهُمَّ بارِعْ لَنَا فِيمَا رَزَقْتَنَا وَقِنَا عَذَابَ النَّارِ، يَا مُحَمَّدُ ارْبَعْ لَيْلَةٍ“

Ducadan oo uu macnaheedu yahay; Illaahayoow noo barakee waxaad nagu risiqday, oo naga badbaadi naarta, bisinka Illaahay ayaan ku bilaabaya.

Aadaabta cuntada waxaa ka mid ah:

- In loo faraxasho cuntada inta aan faraha lala galin.
- In gacanta midigta wax lagu cuno waxna lagu caboo.

DUCADA CUNTADA KA DIB



Markanu cuntada iyo cabista dhamaysano, waxaynu ku ducaysanaa:

"الْحَمْدُ لِلّٰهِ الَّذِي أَطْعَمَنَا وَسَقَانَا وَجَعَلَنَا مُسْلِمِينَ"

Oo uu macnaheedu yahay: mahad dhamaanteed waxaa iska leh Illaahii ina quudiyey ee ina waraabiyey ee inaga yeelay dad muslimiina.

Aadaabta dabayaqaada cuntada

- In la mahadiyo Illaaha nimcada cuntada kugu nimceeyey.
- In loo mahad celiyo hooyada ama qofka cuntada inoo diyaariyey.
- In la faraxasho oo la luq luqdo askana la iska maydho.
- In dadka lala dhig dhigo cuntada, marka dambena weelka lala ururiyo.
- In aan hambada la qubin ee masaakiinta la siiyo, ama meel la dhigo.
- In dhinaca adiga ku xiga laga cuno, oo aan loo talaabin qofka kale dhinaciisa.
- In haddii marka hore la ilaawo bisinka oo aad xusuusato cuntada dhexdeeda, la yidhaahdo; Waxaan ku bilaabayaa magaca Illaahay, bilogeeda iyo dhamaadkeedaba.
- In si wacan cuntada loo calaaliyo.
- In aan cuntada wax xun laga sheegin, haddii ay adiga ku cajebin weydo.
- In aynu xusuusano nimcada cuntada ee Illaahay inagu manaystay.

DUCADA MARKA LA HINDHISO



Markaynu hindhisno waxaynu nidhaahnaa:

اللَّهُمَّ لِيَقُلْ لَهُ أَخْرُوهُ، أَوْ صَاحِبَهُ يَرْحَمُكَ اللَّهُ،
فَإِذَا قَالَ لَهُ: يَرْحَمُكَ اللَّهُ، فَلِيَقُلْ: يَهْدِيْكُمُ اللَّهُ وَيَصْلِحُ بِالْكُمْ»

Oo uu macnaheedu yahay;

Illaahay ayaa mahad leh. Qoska maqla; Illaahay ha kuu naxariisto. Qoskii hindisay; Illaahay ha idin hadeeyo oo ha idin hagaajo.

DUCADA MARKA LA HAMAAHSADO




Markaynu hamaahsano waxaynu nidhaahnaa;

«أَتَرْدَ بِاللَّهِ مِنَ الشَّيْطَانِ الرَّجِيمِ»

Ducadaa oo macnaheedu yahay;
Illaahaybaan shaydaanka la dhagxiyey ka magan galay.

DUCADA MARKA GURIGA LAGA BAXAYO



Markaynu guriga ka baxayno waxaynu nidhaahnaa;


"بِسْمِ اللَّهِ رَبِّ الْعَالَمِينَ تَوَكَّلْتُ عَلَى اللَّهِ وَلَا حَوْلَ وَلَا قُوَّةَ إِلَّا بِاللَّهِ"

Oo uu macnaheedu yahay; waxaa aan ku baxay magaca Illaahay, Illaahay ayaan wakiishay, awood iyo quwadi toona ma jirto tii Illaahay mooyee.

Aadaabta guri ka bixida iyo galida waxaa ka mid ah:

- In Illaahay la wakiisho marka guriga laga baxaayo.
- In magaca Illaahay la qabsado bilowga bixida, sida wax yaabaha kale oo badanba magaca ilaahay loogu bilaabo.
- In la salaamo dadka guriga loogu galoo, gelistana waa inaynu u idin qaadanaa.

DUCADA GALISTA GURIGA



Markaynu guriga soo galayno waxaynu nidhaahnaa:

بِسْمِ اللَّهِ وَرَجُلًا، وَبِسْمِ الله
خرجننا، وعلى ربنا توكلنا»

Oo uu macnaheedu yahay; Magaca Illaahay ayaynu ku soo galney, oo magaca Illaahay ayaynu ku baxney , oo Illaahay ayaynu wakiilaney.

DUCADA MARKA MASJIDKA LA GELAYO



Waxaynu nidhaahnaa markaynu masjidka galayno:

”بِسْمِ اللَّهِ، الَّلَّهُمَّ صَلِّ عَلَى مُحَمَّدٍ؛ الَّلَّهُمَّ اعْفِنْ لِي ذُنُوبِي،
وَاقْتُلْ لِي أَبْوَابَ رَحْمَتِكَ“


Oo uu macnaeedu yahay; Magaca Illaahay ayaan ku galay, Illaahayoow u naxariiso nebi Muxamed , Illaahayoow ii dembi dhaaf, albaabada raxmadaadana ii fur.



Aadaabta masjidka waxaa ka mid ah:

- In lugta midig la hor galiyo.
- In laba rakacadood oo salaan ka dhigan lagu tukado masjidka.
- In la ilaaliyo nadaafada masjidka.
- In hadalka la iska ilaaliyo, ixtiraamka masjidkana la jiro.
- In salaada jamaacada la tukado.
- In cilmiga masjidka lagu bixiyo laga qayb qaato.

DUCADA KA BIXIDA MASJIDKA



Markaynu masjidka ka baxayno waxaynu nidhaahnaa:


بِسْمِ اللَّهِ، الَّلَّهُمَّ صَلِّ عَلَى مُحَمَّدٍ، الَّلَّهُمَّ اغْفِرْ لِي ذُنُوبِي،
 وَأَفْتَحْ لِي أَبْوَابَ فَضْلِكَ

Oo uu macnaheedu yahay; Magaca Illaahay ayaan qabsaday, Illaahayoow nabi Muxamed u naxariiso, Illaahayoow ii dembi dhaaf, Illaahayoow albaabada fadligaaga ii fur.

Aadaabta ka bixida masjidka:

- In la hor saaro lugta bidix.
- In la xusuusto inay salaadu reebto waxa xunn.
- In la xusuusnaado oo la xiiseeyo salaada dambe.

DUCADA MARKA DADKA MUSLIMKA LALA KULMO



Markaynu la kulano dadka musliminta ah waxaynu nidhaahnaa;


السلام عليكم ورحمة الله وبركاته

Oo uu macnaheedu yahay; nabadgelyo, naxariis iyo barakada Illaaahay korkiina ha ahaato.

Aadaabta marinka waxaa ka mid ah;

- In la ilaaliyo asluubta jidka.
- In la salaamo wixii muslim ah ee lala kulmo.
- In la celiyo jawaabta markii lagu salaamo.
- In waxyeelada laga leexiyo wadada.
- In la samo-falo, wasakhdana laga ilaaliyo wadada.

DUCADA FUULIMAADKA



Markaynu fuulayno rakuub oo ah ; gaadhi, diyaarad, tareen, faras, baaskeelad iwm, waxaynu nidhaahnaa:


بِسْمِ اللَّهِ رَبِّ الْعَالَمِينَ وَسُبْحَانَ الَّذِي سَخَرَ لَنَا هَذَا وَمَا كَنَّا لَهُ مُقْبِرِينَ وَقَاتَلَنَا إِلَى رَبِّنَا لَنْ نَغْلِبُونَ

Oo uu macnaheedu yahay; Magaca Illaahay ayaan ku bilaabay, ceeb waxaa ka hufan Illaaha kan noo layliyey haddii kale, maanaan awoodneen, inaguna Illaahay ayaynu u noqonaynaa.

Aadaabta fuulimaadka:

- In lugta midig la horaysiyo, intii la awoodo.
- In loo mahad naqo Illaaha inoo sameeyey waxa la fuulo oo dhan ee aynu alaabteena oo dhana ku rarano xaal ay yihiin qaar inoo dulaysan.
- In marka kor loo koco Illaahay la weyneeyo (Allaahu Akbar), marka la degana Illaahay la mahadiyo (Alxamdu Lillaahi).

SALAANTA CIIDA



Waxaynu nidhaahnaa ciida:

”تَقْبِلَ اللَّهُ مِنْتَأْوَيْمِنْتَكَ“

Oo uu macnaheedu yahay; Illaahay ha inaga aqbalo anaga iyo idinkaba.

Muslimiintu waxay ciidaan laba ciidood oo kala ah;

1-Cienda lagu magacaabo (ciid al-fidri) oo la ciido marka ay dhamaato bisha Ramadaan.

2-Cienda la yidhaahdo (ciid al-adxaa) oo ah ciida bisha xajka.

DUCADA WAABERIGA




Waxaynu nidhaahnaa marka waagu beryo:

”أَصْبَحْنَا وَأَضْبَحَ الْمُلْكُ لِلَّهِ، وَالْحَمْدُ لِلَّهِ لَا شَرِيكَ لَهُ،
لَا إِلَهَ إِلَّا هُوَ وَإِلَيْهِ النُّشُورُ“

Oo uu macnaheedu yahay; Anaga iyo abuurii oo dhami Illaahay ayaanu u waabariisanay, Illaahay oo aan cid kale ku lamaanayn, Alle kale ma jiro isaga mooyee. Xaga Illaahay ayaa loo noqonayaa.

Wakhtiga u dhexeeya salaada fajarka(subax) iyo soo bixida cadceeda waxaa uu ka mid yahay wakhtiyada Illaahay uu fadilay. sidaa daraadeed nebiga c. s. w. waxaa ka sugnaaday ducooyin qiimo badan. Inaguna waa inaynu ilaalinaa xusida Illaahay, si uu inooga raali noqdo. Cadceedu subax walba xaga bariga ayey ka soo baxdaa, taas oo iftiin, diirimaad iyo nolosha aynu ka helno. Maalintii oo dhana nolol ayaa la saaxiib ah iyo dhaqdhaqaaq.

DUCADA GABAL DHACA



Waxaynu nidhaahnaa markay cadceedu sii dhacayso;

"أَمْسَيْنَا وَأَمْسَى الْمُلْكُ لِلَّهِ وَالْحَمْدُ لِلَّهِ لَا شَرِيكَ لَهُ، لَا إِلَهَ إِلَّا هُوَ وَإِلَيْهِ الْمَصِيرُ"

Oo uu macnaheedu yahay; Anaga iyo abuur oo dhami waxaanu u gabal dhacsanay Illaahay, mahad naqna Illaahay ayuu u sugnaaday isaga oo aan lamaanaan lahay. Illaah xaq ahi majiro isaga mooyaane. Xaggiisa ayey noqosho ahaatay.

MARKAAD LA KULANTO WAX KU FARAX GALIYA



Markaynu la kulano wax ina farax galiya waxaynu nidhaahnaa;

ما شاء الله لا حول ولا قوة إلا بالله

Oo uu macnaheedu yahay; Wixii Alle doono, awoodi ma jirto ta Alle mooyaane.

MARKAAD LA KULANTO WAX AAN KU FARAX GALIN



Markaynu aragno wax aan ina farax gelin waxaynu nidhaahnaa;


"الحمد لله على كل حال"

Oo uu macnaheedu yahay;
wax kasta oo dhacaba Illaahaybaa ku mahadsan.

Haddii ay ina haleelaan waxyaabo nafteenu diido, cadhada waynu iska ilaalinaa waayo waxaynu ognahay oo aaminsanahay inay wax waliba ku dhacayaan qadarka iyo qaybta Illaahay. Markaa qofka muslimka ahi waa inuu ducadaa akhriyaa. Haddii uu wax hamii ahi kugu habso waxaad tidhaahdaa:

Macnaha ducadu waxa weeyey;
Macnaheeduna waxay tahay; Illaahii nolosha dhabta ah iyo maamulka u saaxiibka ahaayoow raxmadaada ayaan u haraadanaahay. Markaa Illaahay ayaa xumaha ka qaadaaya. Cawo waynaa islaam-nimadu.

DUCADA QOKA BUKA



Waxaynu ku nidhaahnaa qofka buka markaynu booqano;

”أَسْأَلُ اللَّهَ الْعَظِيمَ، رَبِّ الْعَرْشِ الْعَظِيمِ أَنْ يَشْفِيَكَ“

Oo uu micnaheedu yahay; waxaan weydiinaya Illaaha waynida badan, rabiga carshiga wayn leh inuu ku bogsiyo.

Marka uu qof inaga mid ahi bukoodo, Illaahay ayaa u qoraaya ajar fara badan, oo isla markaana xumo falkiisee loogu dhaafo haddii uu sabro. Inaguna weynu booqanaa qofkii xanuunsada, Illaahayna waynu u barinuu bogsiyo, si Illaahay inagana ajar inooga siyo. Booqashada qofka buka ee muslimka ahi waa waajib islaami ah. Ducada bogga hore ku xusana toddoba goor ayaa lagu cel-celiyaa.

DUCADA MARKA WAX KAA LUMAAN




Marka wax inaga lumaan waxaynu nidhaahnaa;

”يَا جَامِعَ النَّاسِ لَا زَوْمٌ لِرَبِّ فِينِهِ رُدْعَةٌ لَضَنَالِّتِي“

Oo macnaheedu yahay; Illaahii dadka maalinta qiyamaha kulminaayeyoow ii soo celi wixii iga lumay.

Waxaynu cadaysanay inaynu Illaahay xusno waqtayo badan. Haddii wax inaga lumaan, ducada kor ku qoran ayaynu akhrinaa si Illaahay inoogu soo celiyo shaygii inaga lumay. Illaahay ayaa u sahla dadka inay helaan wixii ka lumay.

MARKAAD JECLAATO WALAALKAAGA MUSLIMKA AH




Markaynu qof muslim ah Illaahay dartii u jeclaano waxaynu nidhaahnnaa;

إِنِّي أَحِبُّكَ فِي اللَّهِ .
 وَقُولُوا هُوَ: "أَحِبُّكَ الَّذِي أَحْبَبْتَنِي لَهُ"

Oo uu macnaheedu yahay; Illaahay dartii ayaan kuu jeclaaday. markaasuu ku jawaabayaa; Illaaha aad dartii ii jeclaatay ha ku jeclaado. Qofka wanaagsan ee Illaahay u dhow ayaal la jeclaadaa.

DUCADA MARKA ROOBKU DA'AYO



Marka roobku da'ayo waxaynu nidhaahnaa;

"اللَّهُمَّ صَبِّرْنَا فَإِذَا زادَ الْمَاءُ أَقُولُ : "اللَّهُمَّ أَغْثِنَا"

Oo uu macnaheedu yahay; Illaahayoow noo shub mid nafci badan.

Haddii uu soo batana waxa aynu nidhaahnaa; Illaahayoow na waraabi.

Roobku waa ka wabiyada inoo roga. Roobku marka uu dhulka ku da'o, waxa uu soo saaraa dhir, doog iyo midho.

Carri badan oo oonleey ah ayaa roobka oo qudha wax ku beerta, biyaha roobkana cabis u kaydsada. Marka roobku da'ayana ducadu waa mustajaab, markaa waa la ducaystaa. Roobku waa nimco weyn oo Illaahay ina siiyay, waana aasaaska nolosha.

DUCADA MARKA BISHU BILATO



Marka aynu bisha aragno waxa aynu nidhaahnaa:

"هَلَّا لِنَحْنُ بِرَبِّ الْأَرْضَى خَلَقْنَاكُمْ"

Oo uu macnaheedu yahay; bil khayr iyo hanuun, waxaan rumeyay Illaahii ku abuuray.

Samada markaynu eegno waxaynu nidhaahnaa: Rabiyoow samada ciyaar-ciyaar umaad abuurin, adaana ceeb ka sareeyey.

Illaahayoow cadaabta naga badbaadi.

Cirka iyo waxa ku sugar ee ay ka mid yihiin, dayaxa iyo xidigaha, iwm, waxay kamid yihiin abuuraha Illaahay ee lagama maarmaanka ah inaynu ku fikirno abuurtooda la yaabka leh. Taasuna waxay inoo xaqijinaysaa waynida Illaahay iyo awoodiisa, isaga ayaa ceeb ka dheeraadaye.

DUCADA MARKA MURAAYADA LA ISKU EEGO




Marka aynu muraayada isku aragno waxaynu nidhaahnaa;

اللَّهُمَّ أَنْتَ حَسَنْتَ خَلْقِي مَا فَحَسَنْتُ هُنْقِلِي وَمَا حَرَّقْتُ وَجْهِي عَلَى النَّارِ

Oo uu macnaheedu yahay: Illaahayoow adaa samayiiskaya wanaajay ee aadaabtaydanya wanaaji, wajigaygana naarta ka xaaraantinimee.

Markaynu maraayada isku eegno ayeynu aqoonsanaa cawada Illaahay, waayo inta uu ina abuuray ayuu qurux inoo dhameeyey. Sida uu samayskeena u wanaajiyey oo kale, inana waa inaynu anshaxeena wanaajinaa, aadaabteenu waa inay quraanka waafaqsanaataa.

DUCADA MARKA DIIGU CIYO



Markaynu maqallo cida diiga waxaynu nidhaahnaa;

”اللَّهُمَّ إِنِّي أَسْأَلُكَ مِنْ فَضْلِكَ“

Oo uu macnaheedu yahay; Illaahayoowadaan deeqdaada faqiir u ahay. Marka uu diigu arko malaa'iigta ayuu codkiisa quruxda badan leh yeedhiyaa, sidaa daraadeedna ducada kor ku qoran ayeynu ku ducaysanaa.

Codka quruxda badan ee diigu wuxuu inoo toosiyyaa salaada subax. Dhaqashada diiguna wax tar badan ayey inoo leedahay.

DUCADA MARKA DAMEERKU CIYO



Hadaynu maqalno cida dameerka waxaynu nidhaahnaa;


"أَعُوذُ بِاللّٰهِ مِنَ الشَّيْطَانِ الرَّجِيمِ".

Sidaa macnaheedu waxaa weeye; Illaahay waxaan ka magan galay shaydaanka raxmada Illaahay laga fogeyey.

Dameerku markuu shaydaanka arko ayuu ciyaa, sidaa daraadeedna Illaahay ayeynu shaydaanka ka magan galnaa.

Shaydaanku waa cadowgeena wayn, waayo waxaa uu u guntanyahay hadh iyo habeenba inuu inoogu yeedho sharka iyo shirkiga. Inaguna ma adeecno shaydaanka yeedhistiisa laakiin wixii khayr ah ayeynu falla, xumahana waynu ka fogaanaa. Illaahay ayaa ina baray inaynaan codkeena kor u qaadid si aynaan ugu ekaanin dameerka.

DUCADA MARKA EYGU CIYO



Markaynu maqalno cida eyga waxaynu nidhaahnaa;

"أَعُوذُ بِاللَّهِ مِنَ الشَّيْطَانِ الرَّجِيمِ"

Sidaana macnaheedu waxa uu yahay; Illaahay waxaan ka magan galay shaydaanka raxmada Illaahay laga eryay.

Eygu marka uu arko shaydaanka ayuu ciyaa. Inaguna markaas ayeynu shaydaanka iska naarnaa, sidii ci'dii dameerka oo kale. Eygu waxaa uu ina xusuusiyaa axdi oofinta, axdi fulintana waynu jecelnahay. Eydana kuma rabaysano guryaha aynu ku noolnahay, maxaa yeelay waa nijaas. Waxaynu u rabaysanaa ilaalinta iyo ugaadhsiga.